

02 JANUARI 2019(RABU)

Siapkan diri hadapi cabaran 2019: Wan Rosdy

KUANTAN - Rakyat negeri ini diminta terus memberikan kerjasama kepada kerajaan negeri dalam menjayakan program-program dan dasar pembangunan yang dicadangkan dan dilaksanakan.

Menteri Besar Pahang, Datuk Seri Wan Rosdy Wan Ismail berkata, segala cabaran yang dihadapi pada 2018 dijadikan inspirasi kepada semua pihak termasuk kerajaan negeri supaya bergerak lebih maju tahun 2019 ini.

Menurutnya, dalam keadaan senario ekonomi tidak menentu, rakyat Pahang perlu mempersiapkan diri untuk mengharungi dan menghadapinya cabaran 2019 yang mencabar.

"Justeru, saya menyarankan agar semua termasuk penjawat awam khususnya dalam pentadbiran kerajaan negeri supaya mengamalkan penjimatan dalam perbelanjaan.

"Saya turut berdoa agar usaha kerajaan negeri untuk membawa kemakmuran kepada negeri demi



WAN ROSDY

menyejahterakan rakyat akan terus menerima sokongan semua," katanya.

Beliau berkata demikian menerusi perutusan tahun baharu 2019 yang dimuat naik dalam Facebook rasminya, semalam.

Wan Rosdy berkata, rakyat perlu bersedia berdepan k e l e m b a p a n

ekonomi yang dijangkakan tahun ini berdasarkan ramalan sebahagian besar penganalisis.

"Dengan pertumbuhan ekonomi semakin perlahan ini, sudah tentu ia akan memberi kesan negatif kepada kehidupan sosisio-ekonomi terutamanya rakyat.

"Lebih membimbangkan berlakunya peningkatan kadar pengangguran yang dijangka terus meninggi tahun ini," katanya.

Dalam perutusan itu, beliau turun mengingatkan rakyat supaya memelihara perpaduan kaum di negeri ini, agar keharmonian yang dipupuk sejak sekian lama tidak diganggu-gugat sehingga boleh menjejaskan keamanan dan kesejahteraan.